



This project is
funded by the
European Union

TWINNING PROJECT
EU support to the Parliaments of Bosnia and Herzegovina
in EU integration tasks



**ZAJEDNIČKA IZJAVA ČLANOVA KOLEGIJA PARLAMENTARNE SKUPŠTINE BOSNE I
HERCEGOVINE, PARLAMENTA FEDERACIJE BOSNE I HERCEGOVINE, NARODNE SKUPŠTINE
REPUBLIKE SRPSKE I SKUPŠTINE BRČKO DISTRINKTA BOSNE I HERCEGOVINE**

o podršci Planu prioriteta za Parlamente u BiH za ubrzanje procesa evropskih integracija, koji je pripremio Twinning projekat pod nazivom „Podrška Evropske unije Parlamentima Bosne i Hercegovine u poslovima evropskih integracija“ koji finansira Evropska unija, s ciljem pružanja doprinosa provedbi 14 prioriteta navedenih u Mišljenju o zahtjevu Bosne i Hercegovine za članstvo u Evropskoj uniji

Članovi Kolegija Parlamentarne skupštine Bosne i Hercegovine, Parlamenta Federacije Bosne i Hercegovine, Narodne skupštine Republike Srpske i Skupština Brčko Distrikta Bosne i Hercegovine

- 1) su postigli saglasnost o priloženom tekstu Plana prioriteta za Parlamente u BiH za ubrzanje procesa evropskih integracija, koji je pripremio Twinning projekat pod nazivom „Podrška Evropske unije Parlamentima Bosne i Hercegovine u poslovima evropskih integracija“, koji finansira Evropska unija;
- 2) izražavaju posvećenost poduzimanju mјera za provedbu Plana prioriteta smatrajući ga od velikog značaja na putu evropskih integracija Bosne i Hercegovine;
- 3) obavezuju se da će do kraja februara 2021. godine dostaviti Plan prioriteta svom Domu, odnosno Skupštini, kako je to definirano njihovim internim propisima.

Nikola Špirić
predsjedavajući
Doma naroda
Parlamentarne skupštine
Bosne i Hercegovine

Bakir Izetbegović
prvi zamjenik
predsjedavajućeg
Doma naroda
Parlamentarne skupštine
Bosne i Hercegovine

Dragan Čović
drugi zamjenik
predsjedavajućeg
Doma naroda
Parlamentarne skupštine
Bosne i Hercegovine


The Project is implemented by the Consortium of the
Hungarian National Assembly, Austrian Parliament and Croatian Parliament



REPUBLIK ÖSTERREICH
Parlament



ORSZÁGGYŰLÉS



HRVATSKI SABOR

Borjana Krišto
predsjedavajuća
Predstavničkog doma
Parlamentarne skupštine
Bosne i Hercegovine



Denis Zvizdić
prvi zamjenik
predsjedavajuće
Predstavničkog doma
Parlamentarne skupštine
Bosne i Hercegovine

Nebojša Radmanović
drugi zamjenik
predsjedavajuće
Predstavničkog doma
Parlamentarne skupštine
Bosne i Hercegovine

Tomislav Martinović
predsjedavajući
Doma naroda
Parlamenta Federacije Bosne i Hercegovine

Mirsad Zaimović
predsjedavajući
Predstavničkog doma
Parlamenta Federacije Bosne i Hercegovine

Nedeljko Čubrilović
predsjednik
Narodne skupštine Republike Srpske

Milan Petković
potpredsjednik
Narodne skupštine
Republike Srpske

Siniša Milić
predsjednik
Skupštine Brčko Distrikta

Aljoša Čampara
zamjenik predsjedavajućeg
Doma naroda
Parlamenta Federacije Bosne i Hercegovine

Mladen Bošković
zamjenik predsjedavajućeg
Predstavničkog doma
Parlamenta Federacije Bosne i Hercegovine

Sonja Karadžić-Jovičević
potpredsjednica
Narodne skupštine Republike Srpske

Denis Šulić
potpredsjednik
Narodne skupštine
Republike Srpske

Ivo Filipović
potpredsjednik
Skupštine Brčko Distrikta



This project is
funded by the
European Union

TWINNING PROJECT
Empowerment and further support to the Parliaments of
Bosnia and Herzegovina in EU integration tasks



Plan prioriteta za parlamente u BiH za ubrzanje procesa evropskih integracija

1. Osigurati adekvatno funkcioniranje Parlamentarnog odbora za stabilizaciju i pridruživanje.
2. Osigurati adekvatno funkcioniranje mehanizma saradnje za parlamenta u BiH u kontekstu evropskih integracija kako bi se omogućila stalna politička i stručna koordinacija i razmjena informacija kroz ponovno pokretanje i jačanje saradnje na sljedećim nivoima:
 - a) Konferencija predsjedavajućih parlamenata u BiH, najmanje jednom godišnje;
 - b) Parlamentarni forum za evropske integracije, najmanje svaka tri mjeseca;
 - c) Saradnja između sektorskih komisija koje se sastaju po potrebi i u skladu s dinamikom procesa usklađivanja zakonodavstva s pravnom stečevinom EU;
 - d) Saradnja na administrativnom nivou i redovna koordinacija aktivnosti vezanih za EZ, naprimjer sastanak sekretara parlamenata najmanje dva puta godišnje; sastanak jedinica za EU najmanje svaka tri mjeseca;
 - e) Drugi oblici *ad hoc* foruma i aktivnosti saradnje (npr. tematska saslušanja, druge komunikacijske aktivnosti parlamenata u BiH, itd) koji se organiziraju po potrebi.
3. Pozivati Vijeće ministara, odnosno Vlade na punu odgovornost u oblasti evropskih integracija kroz primjenu odgovarajućeg zakonodavnog i političkog nadzora i odgovarajuće kontrole koju provodi svaki od parlamenata u skladu s nadležnostima svojih radnih tijela, a u cilju ubrzanja procesa evropskih integracija, prije svega iniciranjem rasprava i redovnog praćenja
 - a) sveobuhvatnog državnog programa evropskih integracija BiH,
 - b) godišnjih planova aktivnosti vlada u oblastima koje se odnose na EU, uključujući planove za usklađivanje zakonodavstva s pravnom stečevinom EU,
 - c) redovnih izvještaja o realizaciji planova aktivnosti
4. Osnažiti parlamentarni postupak usklađivanja zakonodavstva kroz
 - a) zaduživanje nadležnog parlamentarnog tijela u svakom parlamentu u BiH za sveukupnu koordinaciju i nadzor nad zadacima vezanim za usklađivanje zakonodavstva s pravnom stečevinom EU;

The Project is implemented by the Consortium of the
Hungarian National Assembly, Austrian Parliament and Croatian Parliament



REPUBLIK ÖSTERREICH
Parlament



ORSZÁGI KÖZÖSSÉG



HRVATSKI SABOR

- b) dodjeljivanje zadataka stalnim komisijama u čijem djelokrugu se nalaze poglavlja iz pravne stečevine EU te utvrđivanje relevantnih zaduženja u okviru svake komisije;
 - c) neometanu organizaciju rada na administrativnom nivou za pružanje podrške u izvršavanju zadataka usklađivanja zakonodavstva, uključujući i nivo kantonalnih skupština.
5. Unaprijediti ulogu parlamenta, a prije svega njihovih članova, u podizanju svijesti javnosti o procesu evropskih integracija BiH. U cilju postizanja strateškog pristupa u okviru aktivnosti parlamenta vezanih za komuniciranje o EU i usklađenosti s 'Strategijom komuniciranja institucija BiH o procesu pristupanja BiH Evropskoj uniji – od kandidatskog statusa do članstva', usvojenom u Vijeću ministara, parlamenti u BiH treba da
- a) usvoje i provedu akcione planove za komuniciranje o EU,
 - b) uspostave odgovarajući organizacijski okvir za ovu svrhu, imajući na umu postojeće unutrašnje strukture, mogućnosti i potrebe i
 - c) izdvoje dovoljno budžetskih sredstava za provedbu akcionalih planova za komuniciranje o EU.
6. Organiziranje redovnih foruma s aktivnim učešćem političkih radnih tijela u cilju pružanja platforme za razmjenu stavova u svakom parlamentu u BiH, uz prisustvo organizacija civilnog društva i drugih strana zainteresiranih za teme vezane za proces evropskih integracija, čime se doprinosi podizanju svijesti o važnosti procesa evropskih integracija i o ulozi, zadacima i aktivnostima parlamenta u tom procesu, osigurava transparentnost rada parlamenta i prenose mišljenja i konkretna stručnost zainteresiranih strana. Svaki parlament u BiH treba služiti kao forum za razgovor sa svim zainteresiranim stranama na nivou konkretnog parlamenta, uključujući šиру javnost, o evropskoj budućnosti Bosne i Hercegovine, a u cilju postizanja dogovora o pitanjima iz ovog procesa.
7. Unaprijediti opći administrativni okvir kako bi parlamenti u BiH mogli učinkovito izvršavati zadatke u procesu evropskih integracija. Potrebno je da administrativno osoblje bude spremno i u stanju pružati učinkovitu podršku članovima parlamenta. U tu svrhu,
- a) potrebno je završiti proces zapošljavanja u administrativnim jedinicama za evropske integracije i svaka jedinica za EU mora funkcionirati u mjeri u kojoj je to neophodno,
 - b) potrebno je nadležnosti relevantnih administrativnih jedinica koje se odnose na Evropsku uniju jasno i sveobuhvatno definirati u odgovarajućim upravnim aktima.